

古文尚書鄭氏注箋釋

古文尚書鄭氏注箋釋卷二十一

曹元弼學

大誥第十八 周書 古文尚書 鄭氏注

**箋云**大傳說。五誥可以觀仁。史遷說。初管蔡畔周。周公討之。三年而畢定。故初作大誥。又說。管蔡武庚等果率淮夷而反。周公奉成王命。興師東伐。作大誥。**釋曰**五誥。謂大誥康誥酒誥召誥洛誥也。此五篇辭意皆殷勤惓惓。故可以觀仁。史公說大誥為討武庚管蔡而作。與序同。但以為武王初崩時事。鄭所不從。詳金縢。余前為述學詩注論周公事。

甚詳。今備錄為諸篇提要。彼文云。禮表記曰。子曰。下之事上也。雖有疵民之大德。不敢有君民之心。其舜禹文王周公之謂與。文王世子曰。成王幼。不能蒞阼。周公相。踐阼而治。抗世子法於伯禽。欲令成王之知父子君臣長幼之道也。明堂位曰。武王崩。成王幼弱。周公踐天子之位以治天下。六年朝諸侯於明堂。制禮作樂。頒度量而天下大服。七年致政於成王。荀子儒效篇曰。武王崩。成王幼。周公屏成王而及武王。楊倞注。屏蔽及繼。以屬天下。惡天下之倍周也。履天下之籍。聽天下之斷。教誨開導成王。

使諭於道而能揜述於文武。周公反籍於成王。北面而朝之。而天下不數事周。書大傳曰。忠孝之道。成在成王。周公之間。案曰踐阼。曰踐天子之位。曰及武王。所謂攝政也。曰抗世子法以善成王。曰屏成王。曰教誨開導成王。使諭於道。攝政所以為致政之地也。蓋成王自幼朝夕依周公。恩親至深。風雷彰德之後。信公更至深。於是以天下大政委周公。設施而已。安受周公之教。無為如世子時。且當日管蔡流言。以公將不利。惑成王。及譏說不行。而以殷時。必將聲言。文王事殷。而武王反之。以臣伐

若成王是其子。乃殷之讎敵。殷人欲得而甘心。故書多士曰。惟我事不貳適。惟爾王家我適。適讀為敵。言我不以殷為敵而疑之。爾殷家自與我為敵耳。當時四國及淮夷熊盈並起。其勢洶洶。周公屏蔽安護成王。而以身當大難之衝。以代王為政。布告天下。故作大事則權稱王。朝諸侯則負展南面。郊祀后稷宗祀文王。則於洛邑行天子之禮。以臨海內。助祭諸侯。其教誨開導成王。自天道聖學王政。既極誠啟沃。而治軍旅臨諸侯。又隨時使之歷練。由漸使天下繫心。故四海既平。踐奄將歸。則請

王視師。書多方是也。四年建侯衛。則與王俱接諸  
侯。如古世子迎侯之禮。見王長成。堪治天下事。故  
康誥呼孟侯。而酒誥遂稱成王。若曰。明已成為王。  
義詳本篇五年營洛邑。則輔王以見諸侯。故太保以庶  
邦冢君出取幣入錫周公曰。旅王若公。曰。惟王受  
命。曰。王來紹上帝。而呼周公則稱曰。明示諸侯以  
將復辟。於是郊祀宗祀以合萬國之歡心。天下太  
平。六年遂制禮作樂。為成王定典法。而七年致政  
焉。此七年中。周公外遏禍亂。興治平。內養成君德。  
繫天下心。其勤勞至矣。周公德威素著於天下。天

下所愛敬者惟公。所畏憚者亦惟公。公攝政事。權  
歸一。則庶邦絕思亂之意。非民切望治之思。德化  
既洽。天下惟公是從。則王復辟可無為而治矣。四  
國之變。非細故。天下之定。非一日。觀乎周公歸政。

猶有多士之謠。伯禽既封。尚勞徐戎之征。

此依王氏後案

費氏

義釋

改從史記。則成王之初。不堪多難。非周公攝政。安

能定八百年之丕基乎。以周公之大勲勞而歸政  
之後。北面就臣位。恐恐如畏然。及將沒。曰。必葬我  
成周。明我臣於王。聖人之事君。竭忠而盡順如此。  
故夫子以舜禹文周並稱。易坤元凝乾之爻曰。黃

裳元吉。其此之謂乎。

王若曰。大誥猷爾多邦。越爾御事。

疏云鄭本猷在誥下

王。周公也。周公居攝。命大事。則權稱王。

疏禮明堂位疏

**箋云**

猷。道也。方馬氏猷作繇。釋漢書作道。越作於。

御。治也。

詩思爾或作乃。引詩義。

今本猷在大誥上。釋

曰。江氏云。禮記明堂位云。昔者周公朝諸侯于明

堂之位。天子負斧依南鄉而立。既言周公朝諸侯。

又言天子負斧依。明天子即指謂周公。故鄭注云。

天子周公也。明堂位又云。周公踐天子之位。以治

天下。周公既踐天子之位。則稱王自然有之。此篇



是周公之誥則所云王若曰自是謂周公為王。若

謂是周公述王命則當如多方言周公曰王若曰

此句得本  
書卷之七

周公不欲終于為王故平時不常稱王特當大事

則權稱王以命之公羊傳云權者反于經然後有

善者也案武庚三監欲致難於成王周公居攝屏

蔽成王以身當大難之衝代王為衆矢之的故不

得已而權稱王說詳前大誥猷爾多邦馬本猷作

繇釋詁云繇道也繇猷字通道讀曰導言大告導

爾多邦之君越于也與越翼日越三日之越同猶

言至于也御事治事之臣謂卿大夫士言告多邦

君至于治事之臣誥猷多士多方皆作猷告謂導  
告也。義同。江氏又云漢賊王莽因翟義起兵懼依  
此作大誥一篇自比周公文具漢書翟方進傳莽  
雖矯詐然其時尚書今文古文具在其所依仿乃  
大誥舊文可援以究大誥文誼茲輒據之孫氏謂  
莽誥蓋劉歆所為愚謂莽誥多依今文說然字句  
或多以意增損不必一一與經相直當分別觀之  
此大誥猷爾多邦莽作大誥道道在誥下與馬鄭  
義合是可據者故采入箋凡言王若曰者謂順  
理而言然高宗彤日序注云天意若曰董子亦屢

有。天。戒。若。曰。之。文。則。以。為。史。臣。敘。述。擬。議。之。辭。亦。通。

弗。弔。天。降。割。于。我。家。不。少。延。

疏云。鄭以延上爲句。

言。害。不。少。乃。延。長。之。疏云。馬。氏。割。作。害。釋。弔。至。

至。猶。善。也。

詩節南山傳及箋

**釋曰**。弔。者。遇。之。借。至。也。至。猶。

善。弗。弔。猶。記。云。如。何。不。淑。言。不。善。乎。天。降。害。於。我。

家。不。少。且。延。長。謂。武。王。崩。至。於。殷。及。三。監。叛。國。家。

多。難。歷。六。七。年。也。割。者。害。之。借。莽。誥。割。作。喪。無。不。

少。延。三。字。然。其。意。與。經。大。異。

洪。惟。我。幼。沖。人。嗣。無。疆。大。歷。服。弗。造。哲。迪。民。康。矧。曰。

其有能格知天命

**笑云**

洪鴻代也。

**嗣繼**

**釋** 疆竟。

**詩** 大

歷數。

服事也。

**釋**

歷一作禹。

**魏三體石經**

漢書造作遺哲智迪道康安。

**釋**

初況。

**釋** 格至也。

**釋** 漢書格作住。

**釋** 曰

孫氏云

洪與

**釋**

鴻聲相近。

鄭氏注康誥乃洪大誥治云。周公伐成

王誥。則此亦伐成王之詞。案孫說至確。多方洪惟

圖天之命訓同。代謂代行政。即攝也。時周公以攝

政布告天下。故自稱代。惟思也。師古漢書注四洪

大也。江氏以洪惟為語辭。武然。幼沖人。謂成王。嗣

無疆大歷服。謂繼世以有天下。立功立事。則可以

永年傳于無窮。造。江氏孫氏皆據漢書讀為造。段氏謂當是今文作遭。案造者遭之借。格訓至。君爽亦云。矧曰其有能格。言周家多難。攝代行政者思我幼沖人。繼先王無窮大歷數當行之事。乃弗遭哲人導民於安。反遇禍亂。救亂之不暇。況曰其有能德至於天而知天命乎。言不能知。故稽疑於卜。格作往者。孫氏云。格為至。故可為來。亦為往。言不能前知天命。歷魏石經作鬲者。聲近假借。猶說文鬲字重文。或作甗。或作甗也。此第一章第一節。言周家多難。

已。予惟小子。若涉淵水。予惟往求朕攸濟。敷貢敷前。人受命。茲不忘大功。予不敢閉于天降威用。

漢書已作熙。攸作所。濟作濟渡。無上數字。貴  
 作奔。下數作傳。說貴傳為奔走數近奉承。閉作比。  
 絕句說為不敢自比於前人。威作威明。讀天降威  
 用寧王為句。無于字。**釋曰**已數辭。漢書作熙。聲相  
 近。王氏先謙云已者意也。熙者嘻也。上言周家多  
 難。因歎而言曰。我思小子。若涉深水重險。予惟往  
 求我所與共濟之人。數貴。江氏據漢書推約謂數  
 讀皆當為傳。訓為附。貴讀當為奔。與虎賁義同。奔即

詩之疏附奔奏至確。言我求所與共濟。疏附奔走之臣。以附近奉承前人受命。庶幾於此不忘大功而終成之。予不敢閉拒於天降明威之用意。天降威。猶多方云。大勳以威開厥顧天。天不言以行與事示之。武王崩後。始而流言。繼而作亂。皆天奪之明。開周家使黜殷。是天降威之用。若不順天意而忽忘前人之功。不卒其國事。是天開予而予閉之。故不敢。予不敢。閉于天降威用。與多方不克。開于民之麗相反。而句法相類。當九字為句。天降威由天降。割于我家而來。武王崩為天下大禍。由此流

言叛亂相繼而作。在為天禍之延。在殷為天罰自取。天降威而戒懼以承天意。所謂克堪顧天也。天降威而徵幸以速天討。所謂貪天之禍也。莽謬擬經無上數字。說責傳為奔走傳近。於義為允。蓋今文舊說。惟閉作比絕句。以天降威用連下宣王讀。前儒謂此經今文句讀訓解與古文絕異。如其說。則字今文亦無。謂予不敢比前人。但天降威明以安王室。遺我大寶龜。然莽謬此說。以太皇太后以下接云丹石之符。迺紹天明意。詔予即命居攝踐阼。又似參取古文說。以太皇太后擬宣王。以丹石之符擬



大寶龜。而以即命為即居攝之命。與鄭古文說又異。蓋莽雖取古今文家。惟求便於借經文義。其所據舊文。難可盡推。要之宣王之稱疊見下文。及他篇。即命之語。與金縢同。謂即命于元龜。經傳但言周公卜東征。不聞周公卜居攝。居攝以屏蔽成王。而興周室。不疑何人。以經證經。當定從鄭說無疑。此第二節言已求濟難以承天意。

宣王遺我大寶龜。紹天明。即命。

受命曰宣王。承平曰平王。

詩何彼時既卜乃後出

誥。故先云然。

疏

**箋云**大傳說周公先謀于同姓。同

姓從然後謀于朋友。朋友從然後謀于天下。天下從  
然後加之著龜。是以聖人謀義不謀不義。故謀必  
成。卜義不卜不義。故卜必吉。以義擊不義。故戰必  
勝。是以聖人謀則吉。戰則勝。一作係。三體石經釋  
曰。寧安也。寧王者。受命安天下之王。詩曰。文王受  
命。記曰。武王末受命。詩書皆言文武受命。上云數  
前人受命。前人。謂文武。孟子言文王一怒而安天  
下之民。武王亦一怒而安天下之民。則文武皆得  
稱寧王。愚竊謂寧王之號本屬文王。而武王蒙其  
稱。文武皆自有謚。而書稱之為寧王。詩又稱文王

為平王。撥厥由來。蓋殷之末世。天下不安。不平極矣。文王積德累仁。撫綏諸侯。誠和萬民。拯之於暴主。震怒無彊之下。而安之。天下之人視紂如仇讎。焚灼而親文王如父母。文雖為殷祈天永命。而天終大命文王。文雖不自吾。而諸侯皆以為受之<sub>命</sub>王。宣王者。諸侯歸心。載德相與稱之之號。天下習聞共知。故周公稱之以出誥。無慮多邦不知誰何。文王末年。自紂都外。天下皆已承平。故又稱平王。然宣王之號尤著。武王卒父業。勤恤民隱。而除其害。庶民欣戴。自亦以文王之稱稱之。故成王亦稱武

王為宣王也。此經宣王。蓋主謂文王而武王亦在  
其中。時殷及三監叛。公然致難於成王。小腆紀敘。  
必斥武王以臣伐君。管蔡啟商。必以文王事殷而  
武王反之為辭。文王滄如燬之災。除炮烙之刑。久  
為諸侯及殷民所歸心。故周公舉天下大共稱美  
之號。以令衆。俾邦君御事。念紂時天下人人自危。  
懸於不宣。賴文王宣之。而奮勉戡亂。殷民間之。亦  
皆感周家世德。武王繼文之業。救民水火。非富天  
下為宣天下。而不惑於邪說。此大誥道大化誘之  
神旨也。安民則惠。黎民懷之。天下同心歸而往之。是

謂寧王。文王以之。故君奭曰。我道惟寧王德。若下  
云天不庸釋于文王受命。又曰。在昔上帝申勸寧  
王之德。下云。惟文王尚克修和。我有夏。是文王為  
寧王。下又云。武王惟茲四人云云。則武王亦為寧  
王。故洛誥云。乃命寧。兼謂文王武王也。寧王遺我  
大寶龜。蓋自文王得神龜而寶之。移至武王以及  
成王。周公遇大事當卜者。必以卜。卜必驗。紹繼也。  
即就也。神龜能出兆象。以傳天明命。我今就而受  
命。其命如下文所云也。紹天明。即命直承大寶龜  
為文。曰有<sup>大</sup>報云云。直承即命為文。一起相贊。中無

間隔明是卜征告繇。葬語于紹天明上增太皇太后以丹石之符語。即命下增攝政踐阼字。曰字上增故東郡太守翟義云云。皆於經無當。諸家據以解經。則必於即命下加攝政二字。於曰字上加流言二字而後可。江氏於殷小腆節謂葬故詐借經文字句而反其義。實則葬擬此經已然。今別白之。引大傳者伏生說此經明以為卜征。足闡葬說之誣偽。

曰有大艱于西土。西土人亦不靜。越茲秦。

周民亦不定。其心騷動。言以兵應之。疏曰一作粵。魏

石經 秦壁中古文作𧇧。說文曰。𧇧。𧇧動也。从𧇧。𧇧。

聲。𧇧。古文𧇧。从𧇧。周書曰。我有𧇧于西。此部龍釋

曰。曰者。太卜據龜所示兆為占。龜傳所謂繇也。大

報謂大作難。與下惟大報人義同。有大作難於西

土。謂將稱兵向周也。西土人亦不靜。言周人亦有

不安定者。騷然動其邪心。以兵應之。疏謂管蔡也。

鄭云。周民。人民義同。下云民不靜。亦惟在王宮邦

君室是也。越茲𧇧言與此時已動矣。此示以事變

之辭。下云朕卜并吉。則告以征必克也。蓋周公初

歸。傳聞東方有不安。即卜得象占如是。漢書靜作

靖義大同。越茲彝作於是動訓詁字。說文引書越  
茲載。越茲誤作我有。載下行于西二字。皆傳寫之  
失。此第三節加諸人。○憶元弼年二十。隨先  
君子如京師應禮部試。因謁先師瑞安黃漱  
蘭先生。退見世兄仲弢前輩。紹其論學。謂元弼曰  
古書金文字多足證明經義。如文作志與宣字絕  
相似。大誥宣字皆當作文。宣于文王也。宣考文考  
也。宣武文武也。宣今文人也。案此說甚通。讀雖鄭  
異。正足見鄭以宣王為文王之礪。孫氏貽讓吳氏  
大誥說同。但文王當時自有宣王之號。故君腹宣



字文字並見。蓋安天之王謂之寧王。文王是也。武王卒父業以安天下。故亦稱寧王。仲張前輩說予聞而善之。今六十餘年矣。追維父師之訓。良友之益。懷惻彌已。附識於此。

殷小腆。誕敢紀其敎。

腆。謂小國也。

疏

**箋云**

腆。厚也。

言馬氏曰。腆。至也。

釋文

誕。大。

詩紀理

詩板樓義義

敎。緒也。

釋

**釋曰**

孫氏云。左傳

諫詞多言不腆。小腆猶不腆。故鄭云小國。案注腆

上疑脫小字。謂殷不腆之國耳。乃大敢理其已墜

之緒。馬訓腆為至。段氏謂當作主。說文敎。主也。蓋

以膳為數之借。孫氏據莽語推之。謂今文紀作犯。然則犯其敘謂犯天敘而作亂。武然。

天降威。知我國有疵。民不康。曰予復。反鄙我周邦。

知我國有疵病之瑕。

疏箋云馬氏曰疵瑕也。釋大

傳說。奄君蒲姑謂祿父曰。武王既死矣。今王尚幼。

矣。周公見疑矣。此百世之時也。請舉事。然後祿父

及三監叛也。春秋傳曰。鄙我亡也。釋曰江氏云。以

天降凶威。知我國有疵病。民心不安。乃言曰。我將

復殷之王業。反鄙易我周國矣。案天降威。武王既

崩。而流言又作。在周為疵。而實以速祿父之亡。乃

貪天之禍而作亂。奄商蒲姑之言。江氏引以證我國有疵鄙我周邦之文。至確。祿父之叛。管蔡竇啟之。而經主言殷小腆者。為親者諱。欲求減其罪。不忍盡其辭也。鄙我者。輕侮之。視若彼之邊鄙。攻取之易耳。古鄙字圖字同作。孫氏據莽誥謂今文讀圖為圖。果爾。則圖當與左傳圖之此為時矣。同義。謂圖害我周邦。與古文義不相遠。近人解此節。悉依莽誥推說。謂天意知我國有疵。若曰予必反復佑周。以為今文說尚如是。然大傳載奄君之言。正與相傳古文義同。恐今文舊訓不如莽所云也。

史記述尚書多矣。今文說多矣。未有與古文如此之絕異者。江氏謂華竊經字而反其義。考古而不失之泥。其識卓矣。疵訓病。如玉之有瑕玷。則小疵耳。故馬鄭皆以瑕釋疵。此第四節言殷果叛如卜兆所示。

今茲今翼日。民獻有十夫。予翼以于。敕寧武圖功。我有大事休。朕卜并吉。

卜并吉者。謂三龜皆從也。

**箋**云。獻猶賢也。

郭論語八

注大傳獻作儀。翼敬。

釋于佳。

詩枝枚撫言武繼圖

釋

謀休美也。

詁釋

**釋**曰。

小腆宣言如是。今已蠢動作亂。

矣。今聞叛之明日。予即與衆賢謀往。撫安民心。繼  
前人所圖之功。我有大事必休美。以我前此卜三  
龜并吉也。民獻謂民之賢者。武王曰。予有亂十人。  
經云。予翼以予。則此時十人皆從公東征者。公既  
出。召公太公當與王守國。蓋畢榮以下六人。及當  
時才德出衆者。充其數。今文獻作僕聲之轉。如獻傳即僕聲之字。汪氏  
云。民義。民之表儀。謂賢者。我敬以之往。以撫定民  
心。以寧國難。以繼所謀之功。案寧訓安。武訓繼。自  
是舊義。愚竊謂上既稱文王為寧王。則寧武即文  
武。謂撫定文武所圖安民之功也。大事謂戎事。此

及下皆言并吉。則如金縢三龜並卜。蓋亦重其事。使掌玉兆。凡兆原兆者各卜一龜。而皆得吉。惟此卜不必為三壇。但與文王廟可耳。凡事豫則立。況兵戎大事。尤當思患豫防。蓋周公歸。初聞東方有不靖。即與同姓朋友及天下之賢謀之。而加諸卜。觀象玩占。知祿父三監必叛。征誅必克。未幾亂果作。布置早定。即與民獻十夫。決東征大計。以承休也。此第五節言將東征。應卜繇所斷。

肆予告我友邦君。趙尹氏。庶士御事。曰。予得吉。卜。予惟以爾庶邦。予伐殷逋播臣。

**箋云**肆故

釋尹正

皋陶謨注

通亡

說文

播散也

李登

釋聲類

曰卜兆三龜并吉則天降威之用意可知故我告

邦君御士以得吉卜將以爾邦往伐殷亡散之臣

尹訓正尹氏為百官正長之人謂卿大夫也庶士

衆士也皆治事者故以御事總之祿父為殷後雖

於周為客然率土之濱莫非王臣既受周封不得

無臣禮平時尊先代則待以客禮此討其叛逆之

罪則其正其臣名云逋播者祿父本逃亡播越之

餘賴周僅存今征之又將如舜之分北三苗廢之

而散其黨迄周書稱周師攻殷殷大震潰祿父北

奔斯真道播矣。序云殺武庚。蓋出走而死耳。周公  
初不以執而戮之為快。但求安民而已。此聖人之  
也。<sup>仁</sup>此節<sup>第</sup>六節言將率諸侯伐殷。

爾庶邦君越庶士御事罔不反曰報大。民不靜亦惟  
在王宮邦君室。越予小子考眾不可征。王害不遠人。

汝國君及下羣臣不與我同志者無不反我之意。

云三監叛其為難大。疏箋云報一作難。經石害焉。

何也。廣雅漢書無害字。釋曰三監武庚連合淮夷

以叛其勢頗盛諸侯固多奮勇從征者亦必有畏

縮阻撓者如漢吳楚七國之變武議連和此無識



之甚將使天下無寧歲者。聖哲必不為所惑。但兵  
凶戰危。畏難亦人情所有。故周公敘其情而申誥  
之。言汝諸侯諸臣無不反我意云。此其為難大。周  
民之騷動不靜者非他。亦惟在邦君室中。於我幼  
主為父行。在所當敬。不可征討。王何不違卜乎。此  
就諸侯中不欲征者言之。其與公同意者既無異。  
言不嫌在內。鄭注為別分別之辭。達經言外意耳。  
艱大即上下文所謂大艱。民不靜即上所謂西土  
人亦不靜。在王宮邦君室即下所謂胥伐于厥室。  
此邦君謂武王所封兄弟之國。越於也者。猶父也。

管蔡是王之弟。於成王為叔父。故云趙予小子者。江氏據莽語推經義如是。諸此則今文舊取之甚當。翼訓敬。諸父與尊者一體。固當愛敬。但天子以天下為體。盡臣諸父昆弟。若叛逆大惡。得罪先王。為害天下。則不可以不制。偽孔讀王害如字。蔡氏讀為曷。訓何。段氏云。此最為得解。據莽語則今文無害字。王氏先謙說。王不違卜。言王將不違卜而往征乎。與古文意同。得之。罔不反。江氏訓反為復。引周禮諸臣之復為證。亦通。此第七節。敘諸侯或有疑難之意。

肆予沖人永思艱曰嗚呼允姦錄寡哀哉

**箋云**允誠也釋漢書說予為沖人長思厥難允姦

作誠動釋曰葬諸擬經本今文說孫氏云此言故

予為幼君長思其難三監之叛誠擾動錄寡可哀

之甚案此答諸侯之辭言庶邦或疑難如是故予

為沖人長思此難曰興師動衆誠擾動及錄寡哀

哉此聖人視民如傷情見乎辭但事有不得已者

當力為其難耳

予造天役遣大投艱于朕身越予沖人不印自恤

**箋云**漢書造作遣馬氏以造遣也釋役使廣雅

投擄。說文印我恤憂也。解恤。一作邛。經。石漢書役

遺連讀大投艱作大解難。釋曰江氏云我遺天之

役使以重大艱難之任遺投于我身于我沖人惟

憂不克倖不身自憂邛也。索趙于也。于猶為也。言

為我幼君之故不敢自恤身之利害惟王室安危

天下利病是憂。今文讀役遺絕句遺猶委也。投訓

解師古曰言天以役事遺我而令身解其難。孫氏

云漢書作解疑投本稅字。說文稅解稅也。馬注遺

字。段孫皆謂遺之誤。以今文釋古文也。

義爾邦君趙爾多士尹氏御事。綏子曰無咎于恤不

可不成乃宜考圖珎

**箋云**

終安。惴憂圖謀也。詁說文曰。必慎也。从比。必

聲。周書曰。無怙于恤。卹比

**釋曰**

義同儀。儀猶善

也。獎王室以安天下。朕身之責。亦爾庶邦之義。我

善爾邦君。至於羣臣。慰勉我曰。可無戒慎于憂患

之事乎。言當永敬大恤。竭力為之。不可不成。乃宜

考所圖安天下之功。宣考武王亦於成王為宣考

謂文王亦兼武王此段為諸侯來貳  
王周公之辭又王於周公為宣考

此第八節申諸諸侯以當東征之義

已予惟小子未敢替上帝命

**箋云**

替廢也。釋漢書已作熙替作僧一作替。經石

經石

**釋曰**江氏云。卜并吉。則天命我東征。可知。違卜則廢上帝之命。所不敢也。案替俗字。說文作替。段氏謂古文作替。今文作替。讀為僭。故漢書作僭。僭不信也。言不敢不信上帝之命。下云天命不僭。謂天命無不信也。不信卜則廢天命矣。義并通。

天休于宣王。興我小邦周。宣王惟卜用。克綏受茲命。今天其相民。矧亦惟卜用。

**釋曰**江氏云。周發述于百里。故曰小邦周。相助也。天休美宣王。興我周國。宣王惟卜是用。故能安受此天命。今天其相助我民。況我亦惟卜是用。則敬

承天意必獲吉矣。明卜不可違。案文王得大寶龜  
遇大事必以卜。傳稱武王朕夢協朕卜。戎商必克。  
是用卜而興。今當遵之。聖人卜義不卜不義。然亦  
有義所當為而時未可。卜不吉者則更修德而改  
卜。今伐殷適播臣義既當然。卜又并吉則當奉天  
命行天罰無疑矣。據卦語擬經則謂天休美于安王  
室。無下室王字。但與下室王若勤不例。未可深據。  
嗚呼。天明畏。弼我不丕基。

**箋云**漢書作烏庠。畏作威。**釋曰**江氏云。畏讀曰威。  
弼輔不大也。天之明威輔我以大此大基也。案天

降明威以啟其心。所謂天其相民也。此第九節。言人不可違。以上第一章作誥大義已備。下更申之。

王曰。爾惟舊人。爾丕克遠。爲爾知。宣王若勤哉。

**箋云**。漢書丕作不。若作若是。**釋曰**。江氏云。不讀曰不。舊人。遠事先王。及見先王之所行事。當遠議。故事爾國君及衆臣。亦惟舊人。爾乃不能省識于遠。爾豈知宣王若此勤勞哉。責其不知。案丕讀如字亦可。謂爾當大能遠見也。勤。謂勤民。勤民所以安之也。詩曰。文王既勤止。書曰。不遑暇食。用誠和。



萬民。文王憂勞天下至矣。諸侯諸臣以及萬民。當紂之世。皆賴以安全。武王因盡出天下於水火之中。爾皆親見。豈忘之哉。

天閱我成功所。予不敢不極卒。宣王圖事。

**箋云**。愍。慎也。釋閔。愍。漢書作愍。勞。孟康曰。天愍勞。

我國家成功之所在。**釋曰**。江氏云。閱。勞也。極。讀曰

至。卒。終也。天勞慎我周家成功之所在。我不敢不

至。終。竟。宣王所謀之事。又云。說文云。祕。神也。鄭箋

閔。宮詩云。閔。神也。是閔與祕通。廣雅云。祕。勞也。故

云。閔。勞也。葬。諸云。天愍勞我成功所。有愍無閱。則

彼勞字儼此經閔字。非儼忘字也。故訓閔為勞。孟  
注順葬誥忘勞之文。故云慎勞。茲順經閔忘之文。  
故云勞慎。文倒義同。案慎即下文所謂勤忘。天勤  
忘我民。文王體天意若是之勤。此正成功之所在。  
閔忘。謂<sup>忘</sup>免戒慎之。江說甚明。段氏謂閔秘忘三字  
通。爾雅忘慎。書疏引作閔。閔忘亦皆得訓勞二字。  
不應複出。疑今文作忘。古文作忘或作閔。寫者並  
存之。如漢書民獻儀之比。說雖甚通。未免臆測。天  
勞免戒慎我以成功所在。靈王本天意以立事。我  
不敢不極盡卒之。卒終也。極訓盡亦可。多方曰天

惟求爾多方。開厥顧天。惟我周王。靈承于旅。克堪用德。惟典神天。此宣王所圖安天下之事也。

肆予大化。誘我友邦。君天棐忱。辭其考我民。予曷其不于前宣人圖功攸終。

**箋云**肆故今也。

釋誘道詩野有棐忱傳同忱誠也。小

釋詁爾雅本作誠忱漢書棐忱作輔誠孔光曰今以依經文倒之

言有誠道天輔之也。傳其考我民作天其累我以

民。曷曷作害。**釋曰**我欲卒宣王圖事以承天意。故

今予大化導我友邦君。所言皆誠實無虛辭。必為天所助。考猶驗也。天道助誠。辭之誠不誠。天之助

不助皆於民驗之。民心皆惡危而求安。民獻十夫  
皆欲救宣武。圖功民情大可見。天威棐忱可知。予  
曷其不于前宣人圖功之所終乎。前宣人即宣王。  
葬語云。天其累我以民。蓋今文說。孫氏讀考為徯  
勞之徯。謂勞累聲轉是也。

天亦惟用勤怠我民。若有疾。予曷敢不于前宣人攸  
受休畢。

**箋**云。漢書畢作輔。釋曰。民情可驗如是。天亦惟用  
殷勤戒慎我民。急欲扶其危而安之。若有疾之求  
遘喜然。故宣王若是之勤。則天降之休。予曷敢不

于前宣人所受休命畢終之乎。今文休畢作休輔。謂所受衆民皆休息而輔助之。疑所據經畢作弼。或今文說讀畢為弼也。此第二章極言先王體天勤民以安天下。可不終其功。

王曰。若昔朕其述。朕言艱日思。

**釋曰**。上陳體天勤民經國之大計。此以人倫父子繼述兄弟急難相救。至情至理。凡人所同者。曉諸侯。

若昔二句。承上啟下。江氏云。若順。述往也。言順昔。

前王之業。則我其當往征。征討之事。我亦言難而日思之。案所思如人之意。所云也。莽語云。予聞孝子。

善繼人之意。忠臣善成人之事。子思若考作室。厥子堂而構之。厥父堂厥子構而獲之。約此節經文為說。得之。或曰。若昔朕其述。言若昔我居東之時。我每言先王創業艱難。日日思之。所言如下。

若考作室。既辰法。厥子乃弗齊室。矧音構。厥翼音其音有。予有後弗音棄基。疏引鄭本

其父敬職之人。其音有曰。我有後子孫。不廢棄我基。

業音和。詩文王有聲疏**云**辰定音有可也。釋構音蓋也。說文有

一作克。後漢書宗紀矧音有。一作矧弗音有。下同。疏引定本予。

一作我。詩今本此處無厥考翼十二字。**釋曰**江氏

云我思子孫不終祖父之業。祖父其曷賴。譬若作室。考既底定其法矣。其子弗肯為堂基。況肯為蓋屋乎。構蓋也。或以構為椽。椽字。椽方曰椽。況肯架其椽。楠言不肯也。案子弗肯堂。弗肯構。其父故事之人。必不肯曰。我有後弗棄基。是有子如無子。可痛之甚也。偽孔本此處無厥考翼十二字。妄刪之。殊失語重心重之意。父死稱考。然亦存歿通稱。厥父。厥子。乃弗肯構。矧肯獲。厥考翼。其肯曰。予有後弗棄基。

**箋云**

初耕地反草為苗。爾雅釋播種也。說文獲刈地郭注。

穀也。本釋曰：上以作室喻。此以治田喻。其父既反

草而耕矣。其子乃弗肯播種於田。矧肯力播以至  
於收穫乎。作室治田之人。予不克成父志。其父皆  
惡其棄基。況宣王憂勞天下以受天命。而不圖終  
其安天下之功。其能神罔時怨。神罔時恫乎。

肆予曷敢不越卬。敎宣王大命。

箋云：漢書敎作撫。釋曰：肆故今也。越予卬身。敎撫

也。如上所言。我日思之。故今予何敢不于吾身撫  
定宣王所受之大命乎。此節所言作室治田之事。  
凡人之同情。而天道至教聖人至德實不外此。董



子說天道。五木生火。火生土。土生金。金生水。水生春。火生夏。土生季夏。金生秋。水生冬。春主生。夏主長。季夏主養。秋主收。冬主藏。是故父之所生。其子長之。父之所長。其子養之。父之所養。其子收之。父之所收。其子藏之。諸父所為。其子皆奉承而敬行之。不敢不致如父之意。所謂孝者。天之經也。夫然故孝經大義。自天子至於庶人。以各保其祖父所傳之天下國家身體髮膚為孝。如此則家無敗類。國無罷民。鄉里無患。苦長老之不祥。少年而天下大治。淫朋亂黨無自起矣。此周公治天下。孔子教

萬世至中至庸之道也。此第三章第一節言子當成父業。

若兄考。乃有友伐厥子。民養其勸弗救。

**釋曰**此亦以凡人恒情喻。父死稱考。兄考謂兄已歿。傳家於子而為考。乃有朋友忽倍死忘先弱孤有幼而攻伐其子。弟將救之。為民之長者正當助之救。其可勸阻其弟弗救兄子乎。兄喻武王。兄考謂武王既歿於成王為考。友喻武庚。受封為客。是亦友邦。邦子喻成王。友伐厥子。謂武庚不念用賓于王之禮而欲稱兵犯者也。民養養長也。長民者

當教民親親扶弱而反勸人弟倍其兄不恤其孤。此必無之理。諸侯諸臣皆長民者。豈不知此義而反阻我為沖人伐殷。通播臣以救王室乎。或曰。養當為義。形相近。經傳或互誤。言於民義。其可勸弗救乎。此節之文義本明。而說者皆誤。段氏始正之。而未盡。今釋之如此。上節言子道。此節言弟道。予不越印教。宣王太命。是子弗祗服厥父事。大傷厥考心也。友伐厥子而弟弗救。是視兄之子不如路人。將匍匐入井之赤子也。此天理人情所必無。邦君御事可諒吾心矣。葬諸友伐厥子。作效湯武歟。後

展子。段氏謂友字益。今文作友訓。說謂父兄靈爽在天。乃有譏託湯武欺人家孤弱者。長民之人其可勸弗殺予。予為叔父。邦君御事亦皆民長。其思坐視予。此以伐展子專屬之武庚。周公不忍言管蔡倡亂。欲求減其罪也。此第二節言弟當為兄紓難。以上第三章以淺喻深。竭情以感動諸侯。王曰。嗚呼。肆哉。爾庶邦君。越爾御事。

**肆**云肆力也。

言釋

漢書嗚呼作烏虜。

**釋曰**

上言東征

之必不可已。此復呼邦君御事。申言天意以告之。

肆哉言當勉出乃力也。

夷邦由哲亦惟十人迪知上帝命越天棐忱爾時罔敢易法矧今天降戾于周邦

**箋云**夷明也

說文戾定也

詩而無

**釋曰**夷邦言明

正道以道民使邦人不迷也王氏先謙云邦之夷明必由哲人即先知覺後之義迪道也衆人不知

上帝命所在亦惟此民獻之十夫道而知之經意

自明素越于也亦與也開明邦人之心由於哲人

十人皆賢哲能道民使知上帝命舉與天輔誠之

意十人能道民使明天意以安天下即上所謂哲

迪民康也上帝命即卜吉所示天棐忱辭出於誠

得民所以安之道。是天意所存。考諸民而可見者。十人多助。宣王成功。諸侯御事亦皆舊人。天休于宣王。早有定命。汝在當時。無敢易天之定法。況今天勤。必我民更降定于周邦乎。謂天降威以膺其衷。使天下至於大定也。曰矧今則爾時之時。當為宣王時矣。莽諸法作定。江氏謂古文法作金與定相似。寫者因誤以定為法。但法自有正定之義。作法亦通。康諸言爽。惟民爽。惟天皆訓明。此經宜同。江孫依莽諸訓輔訓勉。或今文義然。篇首云弗造哲迪民康。矧能知天命。此云十人迪知上帝命者。

初時流言方張。十人無從爽邦。至此是非順逆大明。民獻乃得以其哲迪民。使知天命也。

惟大艱。今誕鄰胥伐于厥室。爾亦不知天命不易。

**釋曰**大發難之人。謂武庚欲為大艱于西土也。鄰

者鄰國。謂三監也。武庚鄙我周邦。自敢紀其敎。又

大以其鄰國誘惑脅制之。使自相伐於其同室。所

以西土人亦不靜也。彼既自為大艱。又使在王宮

邦君室者從亂。其計誠狡。然爾亦不知天命之不

可易乎。武庚亂之主。必黜之以安天下。故聲其罪

三監。王室至親。不藏怒。不宿怨。大亂平後。欲寬其

誅。故周公之言如此。亦見赦脅從安反側之意。義至盡仁之至也。此第四章第一節申天命以曉諸侯不欲征者。

予永念曰。天惟喪殷。若穡夫。予曷敢不終朕命。

**釋曰**此承上文言予長念曰。天降喪于殷。若農夫之務去草。穡不事嘉穀不殖。叛亂不除。天下不安。予曷敢不終竟我田畝。伐逋播臣乎。

天亦惟休于前寧人。予曷其極卜。敢弗于從。率寧人有指疆土。矧今卜并吉。

**釋曰**天亦惟降休于前寧人。大命文王。壹戎殷。至



武王而定天下。前寧人。謂文王以及武王并所與  
共安天下之臣。天意如此。予曷其極盡卜兆。敢不  
往從先王所圖之事。予往也。指。漢書作旨。美也。天  
既付疆土于先王。使美利之。率土之濱莫王臣。予  
敢不往從事。循寧人所有施澤美利之疆土而盡  
安之。此義所當然。不待卜而知。況今卜并吉乎。或  
曰。古指旨字通。有指疆土。或古文本如是。馬鄭義  
同。可考。春秋傳說武王克殷。成王定四方。其下歷  
說吾東土。吾西土。吾南土。吾北土。則指字作指數  
解。亦可極卜。謂更卜以推極吉凶也。天休于前寧

人。宣王既卜用受命。予何須更卜以推極吉凶。敢  
不於宣王之卜是從。循宣人有可指數之疆土而  
撫定之。況今卜又三龜并吉。故我大以爾東征以  
順天休命。

肆朕誕以爾東征。天命不僭。卜陳惟若茲。

**釋曰**宣王承天意以安天下。其功不可不終考  
諸民而可見。稽諸卜而襲吉。天命不僭。差昭昭其  
明。卜繇所陳之義。惟若此。豈可違哉。此第二節  
結言卜不可違。以上第四章申言天命不易。當  
惟卜用。

古文尚書鄭氏注箋釋卷二十一終

附原書紙簽

(一)

按所圖安天下之功下

宣者謂文王亦兼武王此設為諸侯兼戴成王周公之辭文王於周公為宣者武王亦於成王為宣者也

下接此第八章節

古文尚書鄭氏注箋釋卷二十二

曹元弼學

康誥第十九 周書 古文尚書 鄭氏注

**箋云**

馬氏曰。康。圻內國名。疏。鄭氏說。康。誥號。

蓋序注

在史遷說。康叔。名封。周武王同母少弟也。周公以

成王命。興師伐殷。殺武庚。以殷餘民封康叔。為衛

君。居河淇間。故商墟。周公懼康叔齒少。乃申告康

叔。曰。必求殷之賢人。君子長者。問其先殷所以興

所以亡。而務愛民。故謂之康誥。以命之。康叔之國。

既以此命。能和集民。民大說。**釋曰**。馬以康為畿內

國名。鄭以為謚號者。江氏云。逸周書謚法解云。溫  
柔好樂曰康。安樂撫民曰康。令民安樂曰康。康之  
為號。有此三誼。皆與康叔之行相似。故鄭君以康  
為謚。史記言康叔封冉季載皆少未得封。是則當  
武王時康叔實未有國。及武王崩。即有流言之事。  
周公出居東都。既反而居攝。又有東征之事。其時  
皆未皇封康叔也。逮三監既誅。而以其地封康叔。  
則康叔始封。即當為衛國。何嘗有康國乎。康自是  
謚號。鄭說誠是。皮氏說。衛世家無從康徙封衛之  
文。史記自序云。牧殷餘民。叔封始邑。是叔封始邑。

於衛。非始邑於康。宋忠云。畿內之康不知所在。是其說本無徵。後代姓書括地志傳會地名以實其說。不可為據。案康地雖無考。或可康叔初食采於此。後正封衛。甓後以德能安民。謚曰康。適與初時采地名同。其子康伯克肖其父。亦謚曰康。而稱叔稱伯無慮相混也。此篇周公詳言文王明德慎罰之道以戒康叔。訓辭深厚。義理精粹。治國之要盡於此。其後衛多君子。享國至久。流澤遠矣。

惟三月哉生魄。

**箋云**哉始也。釋馬氏曰魄。魄也。謂月三日始生兆。

肱名曰魄。釋魄。古文作霸。說文曰霸。霸。月始生霸然也。

云承大月二日。小月三日。从月。靈聲。周書曰。哉生

霸。風。古文霸。月部釋曰。孫氏云。大傳周公攝政四年

建候術。則三月為年之三月也。案魄段借字。據說

文則壁中古文作風。孔君易為霸。武作魄。疑今文

字。江氏云。承大月二日者。謂前月有三十日。則是

月合朔早。至二日初昏。月去日差遠。以有微明見

于西。已矣。小月三日者。謂前月二十九日。則是月

合朔晚。至二日之昏。月去日未遠。未可得見。必三

日之昏。乃始見西。已也。說文月部云。朏。月盛之明

也。从月。出聲。漢書律歷志引古文月采曰三日曰  
朏。禮記鄉飲酒誼云。月者三日則成霸。故馬云謂  
月三日始生。朏名曰霸。說文兼二日三日言之。  
馬專言三日者。以二日月有時未見。三日則必見。  
故也。說雖似異。要皆以生霸為月始生。是則同也。  
劉歆特初異說。以生霸為望。誕妄甚矣。案歆以三  
日為始生霸。望則霸盡生。正名生霸。與禮記說文  
未嘗不合。詳武成序逸文下。

周公初基作新大邑于東國洛。四方民大和會。

此時未作新邑。基謀岐鎬之域。處五嶽之外。周公



為其于政不均。故東行于洛。邑合諸侯。謀作天子

之居。四方民聞之。同心來會。樂即功作。效其力焉。

是時周公居攝四年也。

大傳

已至。

詩

序疏

箋云

大邑一無大字。大傳說。周公將作禮樂。優游之三

年不能作。君子恥其言而不見從。恥其行而不見

隨。將大作。恐天下莫我知也。將小作。恐不能揚父

祖功業德澤。然後營洛以觀天下之心。於是四方

諸侯率其羣黨各攻位於其庭。周公曰。示之以力

役且猶至。況導之以禮樂乎。然後敢作禮樂。書曰。

作新邑。邑於東國洛。四方民大和會。此謂也。釋曰

周公居攝四年。隆平已至。始本武王之意。謀作新大邑于東國。依洛水而居。四方民心大和。來集會。欲效力就功。東國對西都言之。洛當作雒。東國洛主謂王城。亦兼成周。洛誥兩言。惟洛食是也。漢書婁敬傳。敬曰。成王即位。周公之屬傳相焉。乃營成周都雒。以為此天下中。諸侯四方納貢職。道里鈞矣。有德則易以王。無德則易以亡。凡居此者。欲令務以德致人。不欲阻險。令後世驕奢以虐民也。呂氏春秋長利篇。南宮括曰。君獨不聞成王之定成周之說乎。其辭曰。惟余一人。營居於成周。惟余一人有

善易得而見也。有不善易得而誅也。蓋周公營洛。居天下之中。使四方來者道里均。王者為善為不善皆易見。且地非絕險。後世或武或以失道亡國。不至累年攻戰殘害生民。此聖人至公至仁之心。家天下與官天同也。訓基為謀者。釋詁文。此時未作新邑。方合諸侯以謀之。民大和會。願效助力耳。大傳云。各攻位於其庭。此總括後前事為說。大分言之。鄭則知別言之。非有異義。周禮曰。惟王建國。辨方正位。體國經野。此時周公合諸侯于洛。諸侯萬民皆至。樂就功作。每與謀辨方正位等事。定率作興事。

之期。茲事體大。非倉猝可為。王城成。周規畫皆定。乃於五年相宅。攻位。召諸所言是也。新大邑。或作新邑。文有詳畧。無他義。召諸等篇皆大邑新邑通稱。洛邑亦稱成周。見南宮括異敬說。蓋對文畧散則通。言周道至是而成也。

侯甸男邦采衛百工播民和見士于周。

不見要服者。以遠于役事而恒闕焉。疏 箋云 工官。

詩臣播布也。說文士事也。部士大傳說四年建侯衛。

釋曰 江氏云。侯甸男采衛九服之五也。周禮職方

氏辨九服之邦國。方千里曰王畿。其外方五百里曰

侯服。又其外方五百里曰甸服。又其外方五百里

男服。又其外方五百里曰采服。又其外方五百里

曰衛服。又其外方五百里曰蠻服。又其外方五百

里曰夷服。又其外方五百里曰鎮服。又其外方五百

里曰藩服。蠻服以內為中國。蠻服亦謂之要服。時

蓋建此九服。止言五服者。蠻服以外遠于役事而

恒闕也。播百官布政職于五服也。周禮大司馬施

邦國之政職。其布之者則百官也。士事也。民皆和

說。故見職事于周。案經備舉侯甸男采衛五服。邦

字居中貫上下。亦因禹貢男邦成文。大傳惟云侯

衛國語亦云侯衛實服。皆約舉之辭。時五服諸侯。  
并會百官。隨布其政職。民皆和說。願效事于周。見。  
效也。孫氏云。天官書以星見為效。正義曰。效。見也。  
效効同字。

### 周公成勤乃洪大誥治

洪代言周公代成王誥。疏箋云。成皆勤勞也。註釋

曰民效事于周者。周公皆慰勞之。釋詁云。鴻代也。

鴻。洪字通。江氏云。周公代成王大誥康叔以治道。

又述惠氏說曰。周公代成王誥。故下傳王若曰。然。

仍是周公之命。故又云朕其弟。篇首申明代王誥。

則下不嫌仍述周公之言也。春秋傳甯武子曰。不  
 可以間成王。周公之命祀。明康誥之作。成王周公  
 命之也。案此足正或以康誥為武王作之誤。下云  
 今惟民不靜。未戾厥心。迪屢未同。正據三監叛亂  
 也。古義不可易。周公攝政作大事。則權稱王。故上  
 云周公。下云王。若曰。朕其弟。此篇雖專誥康叔。亦  
 使侯甸男采衛諸侯並聞之。故云大誥治。此第  
 一章。敘將作洛會諸侯。封康叔。誥以治道。使諸侯  
 徧聞。

王若曰。孟侯。朕其弟。小子封。

總告諸侯。武畧說。太子十八為王侯。呼成王。疏云

大傳說。天子太子年十八曰王侯。王侯者於四方諸侯來朝迎於郊。問其所不知也。問之人民之所好惡。土地所生美珍怪畧山川之所有無。及父在時皆知之。注曰王迎也。十八入太學為成人。博問庶事。釋曰王謂周公與大誥同。陳氏云。周公於成王代攝其位。即代行其政。故於征伐代為發詔。則大誥是也。於封建則為發詔。則康誥是也。案此蒙周公洪大誥治之文。則王為周公甚明。蓋周公此時代王為政。以身當天下之衝。屏蔽成王。使得安心。



就學如原。子時以成君德。故此時總詰諸侯權稱  
 王而呼成王為孟侯。其義本書傳畧說。江氏云。呼  
 成王與俱諸康叔。使諸詞若自成王出。詩豳譜正  
 義引鄭注金縢云。作康誥時成王年十八。故云孟侯  
 呼成王也。伏生大傳所說。是未經秦火之時所受  
 于先師之遺誼。自七十子以來。邇有師承者。故鄭  
 君从其誼。禮記文王世子云。仲尼曰。昔周公攝政。  
 踐阼而治。抗世子法於伯禽。所以善成王也。又云。  
 成王幼。未能踐阼。以為世子。則無為也。是故抗世  
 子法於伯禽。使之與成王居。欲令成王之知父子

君臣長幼之誼也。是周公居攝時以世子禮教成王。則呼成王為孟侯不足異也。案孟侯者以事呼之。若武王在成王為太子而迎侯然。非呼王為侯也。太子迎侯蓋以殷以前制。其後周公制禮改之。班氏以孟侯為諸侯之長。指康叔。蓋書家別說。朕其弟。此其字與洛誥周公其後孝經周公其人丈例同。皆慎重指責之詞。言至親於我為其弟。稱小子者。對下文丕顯考文王而亦見親愛之至。雖著德成賢。猶若幼弱然。封康叔名。

惟乃丕顯考文王。克明德慎罰。

**箋**云大學引康誥曰克明德。說為自明。左傳說。周  
 書曰。明德慎罰。文王所以造周也。明德特崇之之謂  
 也。慎罰務去之之謂也。左傳成二年大傳說。子夏曰。昔  
 者三王愍然欲錯刑。遂罰。平心而應之。和然後行  
 之。然且曰。吾意者以不平慮之乎。吾意者以不和  
 平之乎。如此者三。然後行之。此之謂慎罰。克明德。  
 一作克明俊德。大一作克明明德。荀子**釋**曰。此篇  
 皆述文王之道。以諸康叔。明德慎罰二義為全篇  
 綱領。多方稱成湯之德亦然。先聖後聖其揆一也。  
 明德主謂自明己德。而亦兼用人。慎罰主謂哀務於

折獄而本在正己。蓋取人以身自明己德而後能明天下俊德之人。政者正也。己率而正孰敢不正。故發蒙之道用脫桎梏。誠意所孚由聽訟而使無訟。詩言文王於緝熙明德也。孟子言文王視民如傷。所以慎罰也。此體天道任德不任刑也。大傳作俊德。或以為明揚賢才兼人者。荀子多一明字。言顯明之至。錯刑遂罰。鄭注云。錯處也。遂行也。慎罰即堯典所謂欽哉欽哉惟刑之謚哉。王制云。悉其聰明致其忠愛以靜之。曾子曰。如得其情則哀矜而勿喜。篇中言慎罰至詳而其本在德。克明

德則慎罰而可使民無罰矣。申公巫臣說明德為務崇德。據經本義。說慎罰為務去逸罰。則引申義不敢侮鰥寡。庸庸。祗祗。威威。顯民。用肇造我區夏。越我一二邦以修。我西土惟時怙冒。

**箋云**春秋傳曰。不敢侮鰥寡。所以明德也。成八年左傳

又說。晉侯賞中行桓子。亦賞士伯。羊舌職曰。周書

所謂庸庸。祗祗者。謂此物也。夫士伯庸中行伯。君

信之。亦庸士伯。此之謂明德矣。文王所以造周不

是過也。宣十五年傳庸。用也。說文爾雅庸庸。勞也。訓祗

敬也。詁威一作畏廣雅祗祗。畏敬也。訓肇始

區區域。薛綜東夏中國也。論語八修治。中庸。注。中庸。注。中庸。注。中庸。注。

也。詩。蓼莪。釋文。引韓詩傳。**釋曰**不敢侮鰥寡二句。言明德而

慎罰在其中。德加於民。首在惠鮮鮮鰥寡。孟子

言鰥寡孤獨天下之窮民而無告者。文王發政施

仁必先斯四者。此舉鰥寡以包孤獨。不敢侮者

侮。輕易也。鰥寡之人。危弱無依。疾痛慘怛。死在旦

夕。若輕易而緩慢之。則施仁將不及。不敢侮。所以

必先之也。聖人與民一體同患。如毛在躬。拔之無

不知痛。曰不敢者。怵惕惻隱之至。惟恐上慢而

殘下。天地之大德曰生。不敢侮鰥寡。所以彌生成

之憾。贊化育之功也。庸。用也。庸庸。謂用其才能  
可用者。亦勞也。有勞者勞之。有功而見知則說矣。  
祇。敬也。祇祇。有大德。行可敬者。敬禮之。威與畏通。  
畏。謂當畏者畏之。如論語言畏天命。召誥言顧  
畏民。呂左傳言勸賞畏刑。皆是。上云慎罰。畏慎義  
相成。祇畏。統言皆可訓敬。析言則祇者祇敬。畏者  
畏忌。下云惟文王之敬忌。鄭說以祇祇畏。畏是也。  
韓厥以不敢侮鰥寡為明德。據自明己德言。羊舌  
職以庸庸祇祇為明德。據德明揚有德之人言。取  
人以身理實一貫。顯民。謂其德顯著於民。紂乃罔

畏畏。厥命罔顯于民。正於此相反。聖人以興亂人  
以廢。廢興存亡昏明之由在此矣。江氏云。言文王  
不敢侮慢鰥寡之人。用可用。敬可敬。畏可畏。德顯  
著于民。用是始造我區域于中夏。予我一二友邦  
皆以修治我西土。岐周惟是怙賴。案越我一二邦  
以修。謂於我一二友邦皆以此修治。鄰國被化。則  
而象之。德廣所及。馴至三分有二也。我西土惟時  
怙冒。舉西土以包六州。言我西土惟是賴其覆冒。  
江讀怙字絕句。據孟子趙注論衡初稟篇引經冒  
字屬下。但君奭篇多冒字絕句。恐鄭讀此處亦然。



開于上帝。帝休。天乃大命文王。

**箋**云休美也。

士冠禮注大傳說天之命文王。非噶噶然

有聲音也。文王在位而天下大服。施政而物皆聽。令則行。禁則止。動搖而不逆天之道。故曰天乃大命文王。**釋**曰文王之德如是。故昭升在上。開于上帝。帝用嘉之。時紂為無道。天乃大命文王代殷為天子。有天下。大傳所說。即孟子以行與事示之之意。傳又說文王斷虞芮之訟。諸侯聞之曰。西伯蓋受命之君也。此即天命文王之明徵。赤雀銜書適於。是至。天人合應也。江以冒聞連讀。冒猶上進也。蓋

今文義

殪戎殷。誕受展命。越邦厥民。惟時敘。乃寡兄勛。

**箋云**殪死也。說文殪大也。春秋傳引周書曰殪

戎殷。宣六年左傳中庸作壹戎衣。鄭注曰衣讀如殷。戎兵也。

壹戎殷。一用兵伐殷也。詩箋說寡寡有言賢也。書

曰乃寡兄勛。思齊**釋曰**殪戎殷三句皆天命文王

之事。至武王而成之。蓋文王為殷祈天永命。天亦

須暇之五年。紂惡不悛。武王乃本天意奉文王以伐。

經作殪。殪死也。謂謀討之。殪戎殷猶言肆伐大商。

中庸作壹戎衣。則謂一用兵伐殷。蓋今古文說異。

誕受厥命。謂大受天奪殷與周之命。越厥邦厥民  
惟時敘。既受有殷命於其國其民惟是一一順敘。  
此乃汝寡有之兄武王勉為之。凡言寡有二義。自  
稱則為謙辭。寡人寡若是也。稱人則為美辭。寡兄  
寡妻是也。

肆汝小子封在茲東土。

**釋曰**肆。故今也。文王積德。武王成功。故今汝得在  
此東土為諸侯。言有國之不易也。此第二章。誥  
康叔以受封之由。文王克明德慎罰。為全篇綱領。  
武王所行皆文王之道。故下文諄切誥誡以法文王。

王王嗚呼。封。女念哉。今民將在祗通乃文考。紹聞衣德言。

**箋**云。馬氏曰。通。達也。舞祗哉。紹。繼也。**釋**曰。文王

積德以受天命。武王成之。汝今所以得君國子民。其念之哉。上言文王德顯著於民。武王因賜厥邦。展民得其次敘。今民之治將在敘述。乃文考繼其所聞。依其德也。孫氏云。衣。讀如依。案釋名。衣。依也。古字通。紹聞。謂繼文王所傳舊聞。孟子言文王於湯聞而知之是也。衣德言。謂依奉文王明德之訓言。孟子引書所謂丕顯哉。文王謨也。江氏據中庸注。

讀本為殷。稱述周書世倅解文考修商人典之文。  
謂紹文考所聞殷之德言。但此經本字古無異讀。  
述書所言紹聞中括之。不必改字。此及下節皆承  
文王克明德而言。則德言當屬文王。武者帥而行  
之。

往數求于殷先哲王。用保乂民。汝丕遠惟商者成人  
宅心知訓。

**箋云**

**史**

建說。必求殷之賢人。君子長者問其先殷

所以興。所以亡。而務愛民。數偏也。

詩書保。安。乂。治。

惟忠。尚。嘉。訓。道也。

釋

**釋曰**

治民當敬述文王之德。

而文王之道本於殷先哲王。又東土本殷墟。君子  
行禮不求變俗。故告以求商先王之道於商之遺老。  
江氏云。女往之國。其偏求商先哲王之道以安治  
斯民。商老成人。商之遺賢。若所謂殷獻民也。宅請  
當為度。訓道也。欲求商先王之道。必由商之老成  
人。女大遠思商老成人之道。度之于心。則可以知  
商先王之道。孫氏云。史公說賢人君子。謂成人。長  
者。謂耆。務愛民。請保乂民。案周公使康叔保安殷  
民。故史公掇此四語以舉全篇要義。國以民為本。  
商先王所以興由愛民。問其治民之善政以為法。

而後王所以亡由。不愛民。問其虐民之亂政。以為戒。故總云務愛民。

別求聞由古先哲王用康保民。

古先哲王。虞夏也。

疏

**釋曰**由。江氏讀為繇。云繇。道

也。又進而上之。別求聞道于虞夏先王以安保斯民。案由從也。殷先哲王之道。又從古先哲王而來。孟子言湯於堯舜聞而知之是也。故別求聞其所由于古先哲王之道。康保統言俱訓安。析言則康者安樂保者愛護。大意同。既求於殷。又求於夏。周監於二代也。又進求諸虞。則虞以上亦博求之矣。洛

誥云。單文祖德是也。治民之道。祇通乃文考一語。盡之矣。又數求于殷先哲王。別求闡於古先哲王。所以貫通治術之源流。知先聖後聖之一揆。君子學以聚之。問以辯之。寬以居之。仁以行之。多識前言往行。以畜其德。稽古不厭其詳焉。

弘于天。若德裕乃身。不廢在王命。

**箋云**弘大。若順。釋裕寬也。廣雅弘于天。荀子作宏。

覆乎天。命作庭。引康誥曰。宏覆乎天。若德裕乃身。

不廢在王庭。富國。今本脫。末句宋本有。**釋曰**稽古所以同天。

行文考及上世哲王之道。則能光大於天道。洪範



曰惟天陰隲下民。相協厥居。孟子引書曰天降下民。作之君。作之師。惟曰其助上帝寵之。春秋傳曰。君人者。蓋之如天。所謂弘于天也。若德裕乃身。如上所言。和順于道德。國安而君寧。裕民以裕乃身。高而不危。滿而不溢。不廢在王命矣。言能長承王之休命也。荀子富國篇曰。足國裕民而善藏其餘。故知節用裕民。則必有仁誼聖良之名。而且有富厚邱山之積矣。下引此經。命作庭。案用保乂。民用康保民。皆兼富教言。荀子引以證富國。百姓足。君孰與不足。上思利民。茂育無私。則宏覆如天。教化

大行。羣黎百姓。徧為爾德。安富尊榮。長可迭職。於  
王庭矣。自此至作新民為第二章申明德之義。  
此節言治民當述修文王之德。又求諸殷先哲王商  
考成人。又進求諸古先哲王。以合於天道。召諸言  
相古先民有夏。今相有殷。又曰無遺壽考。又曰其  
稽我古人之德。稽謀自天。與此節義相表裏。蓋如  
是而後可庶幾於文考之明德也。

王曰。嗚呼。小子。封。惇。彥。乃身。

刑罰及已。曰痛病。疏。蓋訓。彥。為病。  
**箋云。**惇。痛也。釋。彥。為病。  
也。釋。今文彥作殍。  
**釋曰。**此由若德又民之義而深

以推極言之。嗚呼。小子。劫親愛。慎重之詞。文王視  
民如傷。汝祇通文者。見民有疾苦。顛連或陷於刑  
罰者。當如痛病之在汝身。瘵作於者。漢書和帝紀  
詔曰。朕寤寐惻矜。古字矜與鰥通。釋詁。鰥。病也。與  
鰥寡字同。蓋矜。今文。鰥。古文。瘵。俗字。

敬哉。天畏棗忱。民情大<sub>可</sub>見。小人難保。

**箋云**。畏。一作威。忱。一作謏。<sub>通注</sub>風俗通引書曰。天

威棗忱。言天德輔誠也。<sub>反</sub>**釋曰**。畏與威通。天威猶

言天<sub>德</sub>天道。曰威者。皇矣上帝。臨下有赫。不怒而威。

故君子畏天命。忱。謏也。<sub>通</sub>江氏云。敬之哉。天威之明。

惟誠是錫于民情大可見矣。小民不易保也。泉陶  
謨云。天聰明自我民聰明。天明威自我民明威。孟  
子引太誓曰。天視自我民視。天聽自我民聽。皆謂  
天意惟民是從。所謂善言天者。必有驗于人也。案  
此與大誥天棐忱辭其考我民同義。天命之助否  
視乎民情。民情之向背視乎君心之誠否。上好信  
則民莫敢不用情。所冀乎身不恕而能喻諸人者  
未之有。民愚而不可欺。賤而不可犯。故小人難保  
也。就誠謹字通。

往盡乃心。無康好逸豫。乃其乂民。

**箋云**盡一作悉。漢書無康好逸豫。一作毋侗好佚。

史記三王世家侗又作桐。漢書武帝皆無豫字。**釋曰**江氏云

女往臨民其盡女心。毋苟安而好佚豫。乃其治民之道。案盡心。所謂忱也。無康好逸豫。乃其入民如文王之自朝。至于日中。昃不遑暇。食用誠和萬民也。侗康聲近借字。又轉作桐。遠暇逸。豫娛樂也。今文畧無豫字。

我聞曰怨不在大。亦不在小。惠不惠。懋不懋。

**箋云**國語曰。周書有之曰。怨不在大。亦不在小。夫

君子能勤小物。故無大怨。晉左傳曰。周書惠不惠。

茂不茂。康叔所以服宏。大也。昭八年。惠順也。言懋。說

作勉也。懋一作茂。同音。釋曰。江氏云。侮我聞者。蓋

古有是言。引之以證小人之難保也。當順擾其不

順者。勸勉其不免者。案惠亦愛也。怨豈在明。不見

是圖。慮其大而忽其小。禍或起於細微。明於小而

闇於大事。更墮於叢脞。惟至誠勤民。無人不愛。無

事不敬。乃可以寡怨而保民。

已。汝惟小子。乃服惟弘王。應保殷民。亦惟助王宅天

命作新民。

**箋云**引二作宏。應受也。周語大學引康誥曰作新

民。釋曰已同意。左傳言惠不惠茂不茂。康叔所以服宏大。段氏謂宏大二字當經一弘字。讀惟弘絕句。王氏屬下言汝惟小子。年齒尚幼。而君國子民所治惟大。孫氏云服同民。說文云治也。又謂應保猶言容保承保。應與容承聲皆相近。義並訓受。宅讀為度。言王受保殷民。汝亦當助王圖度天命。作新斯民。蕩滌紂之惡俗。與之更始。案段孫讀甚通。但弘王絕句亦可。弘王猶上云弘于天。言光大王道也。或可此王字當當為皇。皇大也。故傳云服弘大。詩云戎雖小子。而式弘大。正放此句法。大學上

引克明德。下引作新民。日新其德。常盡心力。則非但不廢在王命。且能助王宅天命而作新民。大學之道在明明德。在親民。新親民者。親民之能事。民德之成效。詳大學通義。此第二節承上言務愛民。以上第二章申明德之義。

王曰。嗚呼。封。敬明乃罰。

**箋**云。嗚呼。一作於戲。潘夫論**釋**曰。自此至于一人

以懌。詳申慎罰之義。敬明乃罰。言當敬慎以明審。乃刑罰之事。江氏云。康叔封于衛。又入為周司寇。故以明罰敕戒之。孫氏云。左傳康叔為司寇。衛世



家云。成王長用事。舉康叔為司寇。今此告以司寇之事。在攝政之時。蓋周公知康叔仁厚。可為司寇。故先教以慎刑。後乃命以官也。案刑罰之中。由於明。而所以能明者在敬。君子於事無不敬。況人命所繫。一成而不可變。尤當盡心。無敢稍忽。呂刑所謂朕敬于刑也。嗚呼。今文皆作於戲。後不悉出人。有小罪。非膏乃惟終。自作不典。式爾有厥罪。乃不可不殺。

**箋**云。潛夫論非作管嬰非作匪責非作作省。式作戒。說曰。言惡人有罪雖小。然非以過差為之也。乃欲終身行之。故

雖小不可不殺也。何則是本頑凶思惡而為之者也。述典法詁式用也。釋曰：青猶過也。或作省。假借字。式用也。爾猶如此也。或引式作戒。形近之誤。江氏云：人有小罪。非過差。乃欲終身行之。自為不法。故用如此。則其罪雖小不可不殺也。堯典所謂怙終賊刑是也。

乃有大罪。非終。乃惟眚災。適爾。既道極屢辜。時乃不可殺。

**[箋]**云：潛夫論眚災作者。眚。辜作罪。乃作亦。說曰：言人雖有大罪。非欲以終身為惡。乃過誤爾。是不可殺也。

若此者雖曰赦之可也。金作贖刑。赦過宥罪。皆謂

良人吉士時有過誤。不幸陷離者。死。上同釋曰。省哉

皆借字。罪亦今文異字。人雖有大罪。過誤適然。既

開道之極。盡其罪。猶審其過誤。是不可殺。堯典所

謂眚災肆赦是也。案道謂聽訟之道。悉其聰明。致

其忠愛。平心易氣。色聽氣聽。察辭于差。開道使吐

實。既以此道推極其罪。確知法重情輕。本心無他

是乃不可殺也。余昔為述學詩注曰。民或不幸而

陷於罪。必原情治之。小罪惟終不可不殺。謂若邪

惡之民。入國土。教治之。歷三年之久。而凶頑終不

能改。且擄出國土者。殺之以遏寇賊。姦宄荼毒良民之漸。大罪惟首不可殺者。意善功惡。如過誤殺<sup>人</sup>之等。既以道推極其觸罪之情。則憫其本心之無他而赦之。或曰小罪大罪<sup>有</sup>同是死罪而事有其輕重。當原其情而定獄。苟得其情。確係過誤。所犯雖重。必斟酌赦宥。誠不忍其無知而陷死地。堯典欽恤之意在此。呂刑哀矜之仁本此。此聖人體天仁覆閔下之心也。此第三章第一節首言原情定罪。舉慎罰要義。

王曰。嗚呼。封有敘時。向乃大明服。惟民其敢懲和。

**箋**云左傳引乃大明服為句。

傳二十三年荀子同。敕作

力連下若有疾讓。若作而曰誠乎上則下應如響。

雖欲無明達得乎哉。書曰乃大明服。惟民其力懋。

和而疾。

有富國

**釋**曰敘次序也。時是也。蒙上文言小大

之罪察必以情。有次序如是。罰乃大明而民心服。

堯典所謂惟明克允也。敕戒懋鬼也。明于刑之中。

得乎人心之所同然。惟民其感發天良去惡從善。

相戒以勉為和協。無復如紂時相為敵讐矣。此經

舊注亡佚。釋文不言馬鄭句讀有異。故釋之如此。

荀子以惟民其力懋和而有疾為句。則有讀為又。

疾速也。言君大明而民服。惟民其盡力勉為和事。而又疾速以應上之誠。惟民其盡棄咎惡。兩惟字皆承大明服而言。

若有疾。惟民其畢棄咎。

**釋曰**治民之過惡。若治身之疾。治疾者求其速愈。而身安。治惡者求其速去而民安。畢盡。棄捐。去惡也。傳曰誠惡惡知刑之本。去惡如去疾。惟民其盡棄咎。無復觸罪矣。若有疾三字與大誥文同。今依以為義。與荀子說殊。

若保赤子。惟民其康乂。

**箋**云孟子說赤子匍匐將入井。非赤子之罪也。若

一作如大學說康誥曰如保赤子。心誠求之。雖不

中。不中不遠矣。鄭氏曰養子者推心為之。而中於

赤子之嗜欲也。**釋**曰述學詩注云若保赤子一言

至為沈痛。民無知觸罪。猶赤子無知入井。此非民

之罪。乃為上者失養失教。無以保之耳。然則如之

何而保之。禮大學記曰心誠求之。雖不中不遠矣。

養子者推心為之。而中於赤子之嗜欲。人民者亦

當殫心撫字。深察其不能上達之隱。湯曰萬方有

罪。在朕躬。文王視民如傷。曰如毛在躬。拔之無不

知痛是故明君治民。惠鮮懷保。養欲給求。必使仰足。以事父母。俯足以畜妻子。然後驅而之善。使人人有君子長者之行。則民之誤入法網者鮮矣。

非汝封刑人殺人。無或刑人殺人。非汝封。又曰。剕則令無或剕刑人。

**箋**云。易鄭說。則臣從君坐之刑。**疏**釋曰。無同母。江氏云。刑殺皆由天討。非汝封所得專。毋或擅刑殺人。也。剕。割鼻。則斷耳。雖刑之輕者。非女封。又曰。得專之者。毋或剕刑人也。案稱又曰者。刑罰皆由天討。非人君得以威怒專刑之。非汝封可曰。予刑人殺人。亦



非汝封可。又曰：劓則人。雖小罪亦不可任意專行。必深察民情以曲當天理也。疏引易何校滅耳。乃引鄭注：臣從君坐之刑。則此句是易注。非書注。則不在五刑中。與別迥別。臣從君坐。鄭當別有古書證據。非用左傳則鉞。莊子事為說。但未知所出。闕之可也。此第二節承上言慎罰之效。又言刑罰非人君所得專。當懷天威。不可不慎。或曰：此承若保赤子而言。民之陷於刑殺者。自作不典。罪有應得。非汝刑<sup>封</sup>殺之。然其所以陷乎罪者。乃上之人失養失教而然。是無或刑殺。非汝封。故保民必如

保赤。使毋誤入於井。乃盡君道。又曰者。此史官約  
舉之詞。即觸劓則輕罪。亦無或非君之過。若備言  
之。則當云非汝封劓則人無或劓則人非汝封也。  
此又深正慎罰之本。知此則恤民不倦。勝殘去殺。  
民其無罪矣。義似更精。文亦較順。

王曰。外事。汝陳時臬。司師茲殷罰有倫。

**箋云**臬。

法廣雅

荀子說刑名從商

正言殷刑允當

楊注

倫。

同理也。

說文

**釋曰**

江氏云。外事。聽獄之事。

也。聽獄在外朝。故曰外事。臬者。射準的。以譬法也。  
言外朝之事。女陳列是法。使有司法。此殷罰之有。

命理者。王氏云。此命康叔師殷罰。不但因其國俗。亦以殷刑最允故。案因於殷而損益之。時未制周禮。故師殷罰有倫者。孫氏云。此言外朝聽獄之事。汝陳列是法。以司察其衆。此商家刑罰有倫理可從也。江訓師為法。孫訓衆並通。外朝聽獄。與衆共之。司察其衆。博采輿論。無復可疑。乃以法斷之。又曰。要囚。服念五六日。至于旬時。丕蔽要囚。

**箋云**要。為其罪法之要辭。周禮辨蔽。斷也。大宰釋士注。

曰。顧氏云。又曰者。周公重言之也。上既言外朝聽獄。當布陳典法。依據殷罰有倫者。又言斷獄當極。

審慎。江氏云。為臬人之要辭。既具矣。當服膺思念。五六日。至于挾日。至于三月。乃大斷之。須旬時者。徐求其情。觀有可以出之。亦容其自反覆。刑者一成而不可變。故君子盡心焉。周禮小司寇云。以五刑聽萬民之獄訟。附于刑。用情訊之。至于旬。乃蔽之。鄉士云。辯其獄訟。異其死刑之罪。而要之。旬而職聽于朝。遂士二旬而職聽于朝。縣士三旬而職聽于朝。皆司寇聽之。斷其獄。蔽其訟于朝。方士三月而上獄訟于國。司寇聽其成于朝。亦此意也。案上云外事。似宜謂鄉遂縣方之事。對朝言。故曰外。汝

陳時臬謂布刑法於鄉遂等司。有司即鄉士遂士等。使法此殷罰有倫者以治獄。須審慎。遲久盡心鞠讞。少者一句。多者一時。而後上於朝。司寇聽之。恐要辭或有失實。誤入人罪。又恐有司不良。或以非刑加囚。使之誣服。死者不可復生。斷者不可復續。三木之下。何求不得。故又伏而思念其情罪之當否。或法重情輕。有可以生之之道。念之至五六日。又至於旬時。乃大斷之。慎之至也。江孫皆以外事為外朝之事。司寇斷獄在外朝。與公卿以下至於衆庶共之。義亦得通。此第三節。正言慎罰之

事。

王曰。汝陳時臬事。罰故殷羹。用其義刑義殺。勿庸以次汝劫。乃汝盡遵。曰時敘。惟曰未有遜事。

**箋**云。荀子說。孔子曰。書曰。義刑義殺。勿庸以即汝。

維曰。未有順事。言先教也。

致仕 宥生 篇汝作予

**釋**曰。孫氏

云。時是也。真法也。義宜也。庸用也。即就也。遜順也。

時善也。惟思也。言汝既陳是臬事。罰斷用殷法矣。

當用其刑殺之合義者。勿用以就汝之意。乃汝盡

其順道。言當以善敘之。又自思曰。未有順事。以先

教民也。下車泣罪。得情勿喜。古人責躬。不以罪當

其罰而惡于民也。經文次荀子為即者。即次聲之緩急。義皆得為就也。案孫說皆是。惟曰時敘當訓為是。序言汝蔽獄盡順於義。曰是得其次序矣。即上文所謂惟時敘有敘時也。猶不敢自足。每思惟曰我未有順事。使民率教而無陷於罪。即上若保赤子之意。荀子稱此經字句較為蓋節引之。江氏以今本為偽孔增加。非也。

已。汝惟小子。未其有若汝封之心。朕心朕德。惟乃知

**釋曰**汝齒尚少。惟小子耳。然我觀於世。未其有愷悌慈祥。能若汝封之心者。言其仁厚之至也。我心

我德惟汝知之。上言勿庸以次汝封。懼其意見之  
偶偏。此云未其有若汝封之心。嘉其本心之素厚。  
故宜為司寇也。古之刑官必以仁人為之。體上天  
好生之心也。江氏以心朕心三字連讀。云心朕心  
言以我心為心也。太姒之子。惟周公康叔為相睦。  
故曰未有如女封之心。我心者。我之德惟女知之  
也。周公推心致誠。欲康叔深念己訓。亦通。

凡民自得罪。寇攘姦宄。殺越人于貨。敝不畏死。罔弗  
懲。

**箋**云。說文曰。敝。冒也。从支。昏聲。周書曰。敝不畏死。



部。慙。怨也。从心。敦聲。周書曰。凡民罔不慙。心部孟子

改作閔。罔弗慙。作凡民罔不識。曰是不待教而誅

者也。釋曰。越于也。謂戕殺于於人。于。取也。謂取其貨。

孫氏云。言凡民有自罹於罪者。寇賊攘奪。由為姦

外為宄。殺于人。取于貨。強冒不畏死。無不怨之者。

當順民怨以行罰。則罪人亦自服其罪也。孟子啟

作閔者聲相近。慙作識。識非古字。案孫云。罪人亦

自服其罪。兼顧荀子引經為說。但彼實斷章取義。

故不具行。引上恐民無知觸罪。故蔽罰雖盡。猶以

未先教為憾。此列出其自作不與。至於殺人不忌。

者衆所同惡。為惡已大。不更待教而誅。不可姑息。以害良民。此第四節由慎罰而推本於教。更別出其不待教而誅者。以起下文。

王曰。卦元惡大憝。矧惟不孝不友。子弗祗服厥父事。大傷厥考心。于父不能字厥子。乃疾厥子。于弟弗念天顯。乃弗克恭厥兄。兄亦不念鞠子哀。大不友于弟。惟弔茲不于我政人得罪。天惟與我民彝大泯亂。曰。乃其速由文王作罰。刑茲無赦。

**箋云**

元音釋。善父母為孝。善兄弟為友。訓鞠。緝也。

言釋。春秋傳引康誥曰。父不慈。子不祗。兄不友。弟不恭。

不相及也。傳三十三年又引曰父子兄弟罪不相及。昭二

年<sup>十</sup>**釋**曰刑所以弼教明倫祇敬服治也。父與考雖

生死異名亦得通稱。字愛疾惡也。天顯道之至顯

者長幼之序本於兄弟。然或有行尊而年少者惟

兄弟則兄年必長於弟不待別白而顯。故曰兄弟

天倫也。江氏云子不敬服其父事大傷其父心為

父者不忍性以字其子。江疏能為耐乃疾惡其子為弟

者不念天之顯道乃不恭其兄。兄亦不念稱子之

可哀大不友于弟。孫氏云弟善速召由同誅罪也。

言此首惡為民大怨者其惟不孝不友之人。父子

兄弟不相和睦。不可謂之同惡。惟其中有善者。不當為我政人所連坐。政人為政之人。左傳引罪不相及。即不于我政人得罪也。天惟與我民彝大泯。亂曰。乃其速由者。言此父子兄弟不睦之人。滅亂天常。乃其自召罪戾。不可旁及親屬。酒誥曰。惟民自速辜。多方云。乃惟爾自速辜。語意正同。又周書罪不相及論曰。不孝不友之人。所為大惡。必不謀于骨肉親戚。弔茲猶茲。弔速由當斷句。書意言大惡之人。不聽父兄教誨。子弟勸阻。而其父兄子弟。亦有善者。不可株連坐罪。惟泯亂彝常之人。乃自

取尤。應加以文王不教當作之罰耳。

國家積德累仁。幾致刑措。遇有從生之條。或奉

特旨。免死輕刑。深得康誥恤民宥善之旨。豈非三

代以上哲王政令乎。案孫說甚善。述學詩注曰。矧訓

況。詩常棣傳云。況。茲也。則矧惟即惟茲。蓋殺人于

貨為大惡者。皆不孝不友之人。其平日為子為父為

弟為兄。皆不順道理。故暴戾恣睢。橫行無忌。不顧

其父子兄弟而敢為大惡。其父子兄弟之善者。無

由知之。不可連及。有子言為人孝弟。必不好犯上

作亂。然則元惡大憝。必不孝不弟之人。可知其父

兄子弟教誨之勸阻之而無可如何。文王作罰。惟自作不典者刑之無赦。惡惡止其身。不及其他也。此就孫讀申之。若矧字連由句依舊訓舊讀。則謂殺人。不思之元惡為凡民所大怨。況推其作惡之原本不孝不友。自自絕天倫為人心所同惡者乎。為子則不孝。為父則不慈。為弟則不恭。為兄則不友。故不顧其至親骨肉而敢為寇攘。所謂自作不典自得罪也。其父子兄弟之善者。初不知情。我政人不可罪之。譬同於天意。惟於大泯亂我民彝者。謂政人曰。乃其適用文王作罰刑茲無赦。曰者順天意而為言。明天討也。

大正之法。即天法。視民如傷。弼教。集善。仁之至。義之盡也。上云。罰蔽殷彝。用其義刑。義殺。此云。速由文王作罰。則文王之法。本於湯。論語所謂殷因於夏。周因於殷。孟子所謂殷受夏。周受殷者也。凡百亂源。皆由泯亂民彝。周禮有不孝不弟之刑。所以絕姦究之萌。孝經天子章。特引甫刑。明刑自反。此作明王以孝治天下。則一人有慶。兆民賴之。禍亂不作。而刑可措矣。又案紂時。淫刑濫罰。必株連無辜。文王作罰。一本成湯典刑。或小有因時變通。而所以率天常正人倫。遏亂源則一。此明德之用。

慎罰之大義也。周禮族師族聯相保相受。與此文本不相遠。元弼嘗詳辨之。載復禮堂文集。此第五節言凡民不孝不友之罰。

不率大夏。矧惟外庶子訓人。惟厥正人。越小臣諸節。乃別播敷。造民大譽。弗念弗厲。瘵厥君。時乃引惡。惟朕慈已。汝乃其速由茲義率教。

訓人師長

**疏**

**云**率循夏常正長也。

詳周禮諸子

掌國子之卒。使之修德學道。而攷其孰以進退之。

或曰庶子。

此句

鄭注小臣掌王

之小命播布說文

也。

歐陽書說有造獄。

漢書王

周禮有造言之刑瘵。



病也。譚**釋曰**江氏云。庶子言外者。對小臣近君者而言。故為外也。庶子掌國子之卒。使之修德學道。故曰訓人。小臣傳君命于外。或受節以出。故曰小臣諸節。孫氏云。正人即上政人。案孔疏。訓夏為楷。段氏云。此得古訓故之意。為貢納結。即楷字也。而地理志作夏。皋陶謨夏擊鳴球。明堂位作搢擊。皆其比例。愚謂楷法也。猶弄也。故訓常。矧惟外庶子。惟厥正人。而惟字皆承矧字而言。越于也。猶與也。小臣在宮內持節傳君命於外者。其人非一。故云諸節。造。周禮所謂造言。謂說珍行命。智慧愚以要譽。

於民者言。凡民不循大常孝友之道。當刑之無赦。  
況惟外廷庶子。官主訓人者。惟政人主治民者。與  
在內之小臣受節傳君命者。乃列列於大常之外。以  
己意布施條教。惑世誣民。罔上行私。造邪說。蕩衆  
心。取民大譽。以圖亂政。而病其君。是乃引民為惡。  
惟我深惡之。噫。汝乃其速。由此義刑。遵而誅殺之。  
以遏亂源。訓人主庶子。亦兼諸師長而言。小臣位  
雖卑。而傳君小命。其職亦頗重。外廷包藏禍心之  
臣。有數。教行政之權者。或與之勾結。矯誣君君意。  
胥動浮言。變亂舊章。塗民耳目。學非而博。言偽而

辯如春秋之少正卯。戰國之楊朱墨翟。是乃大泯  
亂民毒之尤。故不得不夙絕之。勿念。謂不念天威  
也。勿庸。謂不用天秩也。此皆非常之惡。篡奪所由  
生。故謂之造獄。邪說為暴行之先驅。觀於今日世  
禍。而知聖人之垂戒遠矣。此第六節。言邪臣造  
言亂民之罰。

亦惟君惟長。不能厥家人。越厥小臣外正。惟威惟虐。  
大放王命。乃非德用乂。

**釋曰**江氏云。亦者。亦矧惟也。君長。謂他國諸侯。康  
叔為牧伯。得征諸侯之有罪者。故及之。不能。不相

能也。春秋傳曰。閔伯實沈不相能也。外正。謂正長之官。亦對小臣而言外也。亦惟他國之君長不能其家人及其小臣外臣。惟為威虐于下。大放棄王命。乃非德教可用以治也。言當征討之。此第七節。言所統他國諸侯為君失道之罪罰。

汝亦罔不克敬典。乃由裕民。惟文王之敬忌。乃裕民。曰。我惟有及。則予一人以懌。

敬忌。祇祇威威是也。疏云。典。法。常也。註由同裕。

道也。訪懌。樂也。註說苑曰。虞尚質。其成於文王。入文王之境。未見文王之身。而讓其所爭。以為閒田。

而反。孔子曰：大哉文王之道乎！其不可加矣。不動而變，無為而成。敬慎恭己而虞尚自平。故書曰：惟文王之敬忌。荀子釋作擇。曰：明主急得其人，急得其人，則身佚而國治，功大而名美。故君人者，勞於索之，而休於使之。書曰：惟文王敬忌，一人以擇。

君道**釋曰**：王氏引之，據方言，裕猷，道也。謂由同猷。裕猷，即由裕。謂以道導民也。上三節說慎性罰之事。先言治民，次言治臣，次言治所統諸侯，而治人必先治己。故切指康叔之身而申戒之。言汝亦無不能敬守典常，修己以安人，乃能以道導民。當思文

王之所敬所忌。尚德而畏刑。乃導民使至於道。常  
曰我祇適文。考惠有以波及之。則我一人以說樂  
矣。孔子言文王敬慎恭己。敬慎即敬忌。此明德之  
事。慎罰之本。由聽訟而使無訟者也。荀子以敬忌  
為敬畏賢人。其稱書文。段氏謂隰<sub>小</sub>枯引之。懌作搯  
古擇澤釋懌通用。古無懌字。多用上三字。一人以  
搯。搯即懌也。素身安國治功大名美。故懌。此第  
八節以修身敬典為慎罰之本。以上第三章詳  
言慎罰而歸結於德。

王曰。封。爽惟民。迪吉康。我時其惟殷先哲王德用康。

又民作求。矧今民罔迪。不適。啓不適則罔政在厥邦。

**箋云**

鄭讀迪字下屬

疏迪道

釋言吉

說文康

安釋

作為釋在存也

釋

**曰**爽明也

爽惟之惟及下其

惟予惟皆詞也。言明乎民之為道。道之以善則安。

我。是以惟殷先哲王德。以康保民者為求。上云往

數求于殷先哲王用保乂民。此申其義。矧沉也。適

之也。民之為道本如是。況今民和會。無道之而不

知善者。但不道以善。則無政以存其國。而民不安

矣。此第四章第一節言安民在德。

王曰。封。予惟不可不監。告汝德之說。予罰之行。今惟

惟民不靜。未戾厥心。迪屢未同。爽惟天其罰殛我。我其不怨。惟厥罪無大亦無在多。矧曰其尚顯聞于天。

**箋云**監視。

戾止。

註釋屢至也。

言釋

**釋曰**

監于民監也。言

予惟不可不監于民。故告汝以文考明德之說與

慎罰之行。予猶與也。行猶事也。今惟之惟思也。言

今思往時民之不靜。未能止定其心。道之屢數而

未能和同。明明在上。惟天其以不善治民而降威

罰誅我。我其不敢怨天。思其獲罪於天之由。不在

大亦不在多。積小積成大。積少積成多。禍之所由

生起於微眇也。微況曰其上明聞于天者乎。尚猶上



也。或曰：顯聞于天，即上顯民聞于上帝。言我不敢怨天，怨民，自省罪過之不暇，況能庶幾德顯于民聞于天如文考乎？此第二節言民之不安其罪在己，不可不慎致罰之由。

王曰：嗚呼！封。敬哉！無作怨，勿用非謀，非彝，敬時忱。丕則敏德，用康乃心。顧乃德，遠乃猷，裕乃以民，寧不汝瑕玼。

**箋云**閉塞。

語為忱誠也。說文周禮師氏敏德以政。鄭注：忱，誠也。心部。

為行本。鄭氏曰：敏德，仁義順時者。顧，念也。大學猷

裕，道也。言方無或作毋，勿用非謀非彝，或作毋俾德。

史記三  
世家  
傳  
一一作非  
注徐廣  
一作非  
漢書武  
子傳  
釋曰江氏

云戒康叔其敬之哉毋造作私怨勿用非道之謀  
非常之法以蔽塞是誠大則效敏德以康定女心  
顧省女德遠大女之謀猶寬裕以臨民乃與民相  
安不女疵瑕不女殄絕以猶與也案敬則心正而  
私意不起故能無作私怨不以非謀非彝邪暗之  
見塞其本心之誠敬相將主敬故能閑邪存誠上  
云敬哉天畏棗忱此文正與相應大則效敏德仁  
義順時仁如春之元氣廣大義如秋之仁覆閔下  
用此安定汝心止於至善顧省汝德無有差忒猷

裕二字江氏分屬上下句讀。義亦可通。愚謂猷裕  
即上文由裕。君奭云。告君乃猷裕。猷裕皆訓道。而  
猷又訓謀。裕又訓寬。上云乃由裕民。謂以道導民。  
敷教在寬。不肅而成也。此云遠乃猷裕。謂遠乃當  
道之謀。使之廣大也。君奭云。告君乃猷裕。謀於有  
道寬裕之人也。訓義皆互通。遠乃猷裕。乃能以安  
民。民懷其德。不汝遐棄矣。瑕讀或如遐。珍絕也。猶  
棄也。或曰。不汝瑕珍。猶云勿予禍適。上所謂不廢  
墜王命也。貶非棄皆非之借。蓋今文作勿用非德  
也。此第三節。由慎罰而歸本於修德。修德之本

在敬。

王曰。嗚呼。肆汝小子封。惟命不予常。汝念哉。無我殄  
享。明乃服命。高乃聽。用康乂民。

**箋**云

大學說。康語曰。惟命不予常。道善則得之。不

善則失之矣。鄭氏曰。天命不於常。言不專佑一家

也。春秋傳曰。有德之謂。

戊十六年左傳

**釋**曰。肆。今也。言今

汝小子封。天命靡常。汝當念之而修德。毋或不善

而殄絕我所命之享祀。江氏云。凡封諸侯。必命之

祭其封內之山川社稷。國亡則絕其祀。故言女其

念天命之无常。毋殄絕我之命祀。左傳甯武子曰。

不可以間成王周公之命祀服。七章之服。命七命也。侯國服命以七為節。高乃聽。毋偏聽也。此節四節申戒以修德父民。

王若曰。往哉。封。勿替敬典。聽朕誥汝。乃以殷民世享。

**箋**云。替。廢也。**誥**。正義本作告。此從唐石經。**釋**曰。

又言王若曰者。諸將終更為慎重之往。往就國也。

弗替敬典。上云汝亦罔不克敬典。當堅持此心。勿

衰替也。聽朕誥汝。敬典為聽誥之要。能聽我告汝

之言。乃能以殷民世世享國矣。洛誥曰。聽朕教汝

于棗氏。與此文理同。此誥辭將畢。丁甯申戒。以

終上文應保殷民助王宅天命作新民之意。康叔  
封於殷墟。故故殷民敬典聽語如保赤子。則殷民  
皆周民矣。江氏孫氏皆讀勿替敬為句。典聽朕語  
為句。訓典為常。引酒誥典聽朕教及汝典聽朕  
為證。亦通。此節五節遣之。國深戒之。以上第  
五章。統論明德慎罰而歸結於德。或以康誥為  
武王時書。故但云祇通文考不及武王。不知經明  
云乃寡兄勖。武王所行皆文王之道。無庸屑屑分  
別也。經云今惟民不靜。未戾厥心。迭屢未同。與大  
誥多方語相應。明指武庚三監叛事。書序孔子所

作豈可妄易哉。

古文尚書鄭氏注箋釋卷二十二終